



UNIVERSITETI - UNIVERSITY - UNIVERZITETI

"HAXHI ZEKA"

REPUBLIKA E KOSOVËS REPUBLIKA KOSOVA MINISTRIA E ARSMIT, SHKENCËS DHE TEKNOLOGJISË		UNIVERSITETI UNIVERZITETI "HAXHI ZEKA" PEJË	
REKTORATI			
Nr. / Br. / No.	2863	Nr. i faq/ Br. sht / No. pg	3
Data / Datum / Date:	03/10/2023	Pejë / Poë	

Senati

Ref. Nr.

Pejë, më 27.09.2023

Mbështetur në kompetencat e përcaktuara me nenin 48, nenin 167, nenin 169 dhe nenin 170, të Statutit të Universitetit "Haxhi Zeka" në Pejë, Nr. 04-V-622, 2013, në përputhje me dispozitat e Ligjit për Arsimin e Lartë Nr.04/L-037, Ligjit të Punës Nr. 03/L-212, Udhëzimit Administrativ (MPMS) Nr.07/2017, dt. 19.10.2017, për rregullimin e procedurave të konkursit në sektorin publik, Udhëzimit Administrativ (MASHT) Nr. 01/2018 parimet e njohjes së platformave dhe revistave ndërkombëtare me recension, dhe Udhëzimi Administrativ për plotësimin dhe precizimin - (aneksi - I - MASHT) 7/2018 e UA Nr.01/2018 parimet e njohjes së platformave dhe revistave ndërkombëtare me recension, Senati i Universitetit "Haxhi Zeka" në Pejë, më datë 27.09.2023, miraton këtë:

RREGULLORE PËR PLOTËSIM NDRYSHIMIN E RREGULLORES PËR PROCEDURAT VLERËSUESE DHE PËRZGJEDHËSE LIDHUR ME EMËRIMIN, RIEMËRIMIN DHE AVANCIMIN E PERSONELIT AKADEMIK TË RREGULLT NË UNIVERSITETIN "HAXHI ZEKA" NË PEJË, REF. NR. 025/23, TË DT. 06.01.2023

Neni 1

Qëllimi

1. Qëllim i kësaj rregulloreje është përcaktimi i procedurave vlerësuese dhe përzgjedhëse më të detajuara lidhur me emërimin, riemërimin dhe avancimin e personelit akademik të rregullt, të Universitetit "Haxhi Zeka" në Pejë (në tekstin e mëtejshëm: "UHZ"), duke përfshirë profesorët e rregullt, profesorët e asocuar, profesorët asistentë, asistentët e universitetit, lektorët dhe korepetitorët, si dhe kategoritë e tjera të parapara me dispozitat ligjore në fuqi.

Neni 2

Neni 4, plotësohet dhe ndryshohet si më poshtë:

Titulli "Profesor i rregullt"

1. Për titullin **Profesor i rregullt**, kandidati duhet të plotësojë kriteret si në vijim:
 - 1.1. Të ketë gradën e doktorit të shkencës;
 - 1.2. Të tregojë nivel të lartë dhe kompetencë akademike e përvojë shkencore për lëndën që dëshmohet me:

- 1.2.1. Së paku një monografi, tekste mësimore, publikimeve në revista ndërkombëtare shkencore me më së paku 5 punime kryesore të publikuara në revista shkencore ndërkombëtare të indeksuara në platformat WEB OF SCIENCE dhe SCOPUS, si autor i parë ose korrespondent nga të cilat së paku dy (2) të jenë nga thirrja e fundit dhe të ketë kaluar të paktën katër (4) vjet nga thirrja e profesorit të asocuar.
- 1.2.2. Pjesëmarrje aktive në konferenca kombëtare dhe ndërkombëtare;
- 1.2.3. Përvojë në projekte kombëtare e ndërkombëtare dhe kërkime shkencore;
- 1.2.4. Aftësi të lartë arsimore dhe pedagogjike përmes praktikës së arsyeshme;
- 1.2.5. Aftësi për udhëheqje akademike;
- 1.2.6. Udhëheqje të temave master dhe të doktoratës. Kriteri për metorimin e temave të doktoratës zbatohet 3 vite pas themelimit të studimeve të doktoratës në njësinë akademike përkatëse;
2. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies.
3. Emërimi për titullin **Profesor i rregullt**, si dhe kohëzgjatja e punësimit bëhet për kohë të pacaktuar.

Neni 3

Neni 15, plotësohet dhe ndryshohet si më poshtë:

Kohëzgjatja e emërimit dhe kufizimet për emërim

1. Afatet kohore për të cilat bëhet zgjedhja përcaktohen në Ligjin për Arsimin e Lartë dhe në Statutin e UHZ-së.
2. Thirrjet e fituara në Universitetit publike në Republikën e Kosovës, mund të njihen nga Senati i Universitetit, sipas propozimit të njësisë akademike dhe komisionit vlerësues nëse kandidati në kohën e aplikimit ka thirrje valide e cila është në përputhje me kriteret e Rregullore në fuqi për Procedurat Vlerësuese dhe Përzgjedhëse Lidhur me Emërimin, Riemërimin dhe Avancimin e Personelit të Rregullt Akademik të UHZ – së;
3. Gjatë procesit të avancimit nuk lejohet kapërcimi i thirrjeve të parapara me Statutin e UHZ-së.
4. Kriteri i moshës së përcaktuar si në nenin 174 të Statutit vlen për kandidatët të cilët aplikojnë për themelimin e marrëdhënies së rregullt të punës dhe do të merret në konsideratë deri në ditën e përmbylljes së konkursit.
5. Nëse një kandidat ka qenë i angazhuar në UHZ në cilësi të bashkëpunëtorit të jashtëm apo me honorar para moshës së përcaktuar sipas nenit 174 të Statutit, kjo nuk nënkupton që për të njëjtin nuk aplikohet kriteri i moshës së paraparë me Statut në momentin e themelimit të marrëdhënies së rregullt të punës.
6. Kontrata për një periudhë të caktuar që ripërtërihet në mënyrë të qartë ose të vetëkuptueshme për një periudhë të punësimit më të gjatë se dhjetë (10) vite, konsiderohet si kontratë për një periudhë të pacaktuar kohore.

7. Në UHZ nuk lejohet rekrutimi i stafit akademik që konsiderohet person i afërt¹ brenda të njëjtës njësi akademike, nëse brenda asaj njësie akademike të njëjtit kanë pozit drejtuese (në relacionin bashkëshortor, prind-fëmijë, vëlla-motër, motër-motër, vëlla-vëlla dhe anasjelltas).
8. Shtetasit e huaj dhe personat pa shtetësi në Republikën e Kosovës themelojnë marrëdhënie pune sipas Ligjit të Punës, nën kushtet dhe kriteret e përcaktuara me ligj të veçantë për punësimin e shtetasve të huaj dhe sipas konventave ndërkombëtare.
9. Nuk mund të shpallet konkurs për riemërim apo avancim për personelin akademik i cili ka marrëdhënie të rregullt të punës jashtë UHZ – së, apo ka marrëdhënien e punës së pezulluar më UHZ – në.

Neni 4

Neni 21, plotësohet dhe ndryshohet si më poshtë:

Dispozitat kalimtare

1. Për avancimet e personelit akademik nga data **04 janar 2023** do të vlerësohen vetëm punimet e publikuara në revistat e indeksuara në njërin nga platformat vijuese:

- 1.1 WEB OF SCIENCE (<http://mjil.clarivate.com>)
- 1.2 SCOPUS (<https://www.scopus.com>)

Neni 22

Dispozitat shfuqizuese

1. Me hyrjen në fuqi të kësaj rregullore shfuqizohen nenet 4, 15 dhe 21 të Rregullores për procedurën vlerësuese dhe përzgjedhëse lidhur më emërimin, riemërimin dhe avancimin e personelit akademik në Universitetin "Haxhi Zeka në Pejë. 025/23, të dt. 06.03.2023.

Neni 23

Hyrje në fuqi

Kjo rregullore hyn në fuqi ditën e miratimit nga senati.

Kryesuesi i Senatit
Prof. dr. Armand Krasniqi



The image shows a handwritten signature in blue ink, which appears to be 'Armand Krasniqi'. The signature is written over a circular official seal of the University of Peja. The seal contains the text 'UNIVERSITETI I PEJËS' and 'UNIVERSITY OF PEJA' around the perimeter, with a central emblem. The signature is written in a cursive style.